



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18), razmatrajući Prijedlog Zaključka Vlade Brčko distrikta BiH broj predmeta: 22-000110/19, broj akta: 01.11-1161DS-002/19 od 24. 1. 2019. godine, Skupština Brčko distrikta BiH na 13. vanrednoj sjednici održanoj 28. januara 2019. godine, donosi

## **ZAKLJUČAK**

### **Član 1**

Skupština Brčko distrikta BiH prihvata lokaciju „Kladje“, k. o. Donji Rahić, kao konačnu lokaciju za izgradnju centra za upravljanje otpadom, a na osnovu studije koju je predložio „Dvokutpro“ Sarajevo i na osnovu usvojene Strategije za zaštitu životne sredine Brčko distrikta BiH za period 2016.–2026. godine.

### **Član 2**

Vlada i Skupština Brčko distrikta BiH usvojit će mjere za olakšice i stimulaciju za stanovništvo koje živi u neposrednoj blizini lokacije budućeg centra za upravljanje otpadom (CUO).

### **Član 3**

(1) Daje se saglasnost Odjeljenju za komunalne poslove Vlade Brčko distrikta BiH da pristupi proceduri nabavke usluge privremenog odlaganja miješanog komunalnog otpada u skladu sa Zakonom o javnim nabavkama van teritorije Brčko distrikta BiH.

(2) Odvoz komunalnog otpada iz Brčko distrikta BiH je privremenog karaktera i trajat će do izgradnje i stavljanja u upotrebu centra za upravljanje otpadom na lokaciji određenoj u članu 1 stavu 1 ovog zaključka.

### **Član 4**

(1) Sredstva za odlaganje komunalnog otpada bit će obezbijeđena u budžetima do stavljanja u upotrebu centra za upravljanje otpadom u Brčko distriktu BiH.

(2) Visina potrebnih sredstava bit će usklađena s tržišnim uslovima, za period ne duži od 5 (pet) godina.

### **Član 5**

(1) Odobrava se Odjeljenju za komunalne poslove da sredstvima koja su već izdvojena u Budžetu za 2018. godinu za „Rješavanje problema deponovanja otpada“ iskoristi za nabavku opreme:

- a) mobilne pretovarne stanice s presom za otpad;
- b) nabavku specijalnog vozila s prikolicom za odvoz;
- c) nabavku posebnih kontejnera za veće količine otpada;
- d) kao i nabavku drugih neophodnih tehničkih uređaja.

(2) Oprema neophodna za realizaciju ovih poslova bit će predata na upotrebu i korištenje JP „Komunalno Brčko“ d.o.o., Brčko distrikt BiH.

## **Član 6**

Zadužuju se nadležna odjeljenja Vlade Brčko distrikta BiH i ostale institucije da u najkraćem mogućem roku obezbijede sve uslove za privremeno postavljanje mobilne pretovarne stanice na lokaciji postojeće nesanitarnе deponije.

## **Član 7**

Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02- 518/19  
Brčko, 28. 1. 2019. godine

**PREDSJEDNIK  
SKUPŠTINE BRČKO DISTRIKTA BiH  
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za komunalne poslove
- 5) Direkciji za finansije
- 6) JP „Komunalno Brčko“
- 7) Sektoru za opšte poslove i strateško planiranje
- 8) Arhivi